

Ugovorni organ, Javna ustanova Opća bolnica „Prim. dr. Abdulah Nakaš“, Kranjčevićeva broj 12, 71000 Sarajevo, ID broj: 4200288400001, koga zastupa direktor Prim. dr. Zlatko Kravić (u daljem tekstu: Kupac)

i

„IMTEC“ d.o.o. Sarajevo, ulica Bosanski put b.b., 71300 Ilijaš, ID broj: 4200918780002, PDV broj: 200918780002, Transakcijski račun: 1410010000522607 otvoren kod BBI bank d.d. Sarajevo, koga zastupa direktor Jakub Čehić (u daljem tekstu: Dobavljač)

sklopili su sljedeći

OKVIRNI SPORAZUM ZA NABAVKU RAČUNARSKE I MREŽNE OPREME

UVODNE ODREDBE

Član 1.

Na osnovu provedenog konkurentskog zahtjeva za dostavu ponuda broj JN-5/18 s namjerom sklapanja Okvirnog sporazuma za nabavku računarske i mrežne opreme u trajanju od 1 (jedne) godine, provedenog na osnovu člana 32. Zakona o javnim nabavkama („Službeni glasnik BiH“ broj 39/14), Ugovorni organ je kao najpovoljniju ponudu, u skladu sa postavljenim kriterijem za dodjelu ugovora (najniža cijena), odabrao ponudu ponuđača „IMTEC“ d.o.o. Sarajevo broj: 00290/18 od 23.03.2018. godine.

Obrazac za cijenu ponude sa jediničnim cijenama odabranog ponuđača je prilog ovog Okvirnog sporazuma i čini njegov sastavni dio.

PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je utvrđivanje uslova za sklapanje ugovora o nabavci računarske i mrežne opreme (u daljem tekstu: pojedinačni ugovori) između Kupca i Prodavca.

Količine navedene u Obrascu za cijenu ponude iz člana 1. stav 2. ovog Okvirnog sporazuma su okvirne i zavisit će o raspoloživim finansijskim sredstvima i potrebama Kupca. Kupac se ne obavezuje da će količine iskazane u Obrascu za cijenu ponude iz Priloga ovog Okvirnog sporazuma biti realizirane u potpunosti.

Prodavac se obavezuje da će vršiti sukcesivnu isporuku računarske i mrežne opreme u roku od 24 (dvadesetčetiri) sata u trajanju od 1 (jedne) godine dana od dana stupanja Okvirnog sporazuma na snagu, a sve u skladu sa tenderskom dokumentacijom i svojom ponudom.

Član 3.

Okvirni sporazum sklapa se na rok od 1 (jedne) godine.

Na zahtjev Kupca, Prodavac će sa istim zaključiti ugovor i isporučivati računarsku i mrežnu opremu, pod uslovima određenim ovim Okvirnim sporazumom do njegovog isteka.

SKLAPANJE UGOVORA NA OSNOVU OKVIRNOG SPORAZUMA

Član 4.

Kada se utvrdi potreba za nabavkom računarske i mrežne opreme, sačinjava se specifikacija i spisak roba sa potrebnim količinama na osnovu koje se izrađuje Ugovor po okvirnom sporazumu za konkretnu nabavku.

Ovlaštena organizaciona jedinica Ugovornog organa sačinjava Ugovor u skladu sa odredbama okvirnog sporazuma, tenderske dokumentacije i ponude, te poziva ovlaštenog predstavnika ponuđača da izvrši potpis ugovora.

Nakon obostranog potpisa ugovora dva primjerka se dostavljaju ponuđaču, a dva se zadržavaju kod ugovornog organa.

Ukoliko sadrži sve bitne sastojke ugovora, narudžbenica izdata na osnovu uslova iz ovog Okvirnog sporazuma, ima isti učinak kao i pojedinačan ugovor.

Ukoliko zaprimljenu narudžbenicu Prodavac ne odbije do kraja radnog dana u kojem je primio narudžbenicu smatrat će se da je istu prihvatio, te da je ugovor sklopljen u trenutku zaprimanja narudžbenice.

Prodavac može odbiti narudžbenicu samo u slučaju da ista nije u skladu sa tenderskom dokumentacijom za nabavku, odabranom ponudom i ovim Okvirnim sporazumom.

U slučaju povrede ugovornih obaveza nastalih izdavanjem narudžbenice na osnovu Okvirnog sporazuma, Kupac može raskinuti ugovorni odnos pisanim putem ili na drugi dokaziv način.

ROK ISPORUKE

Član 5.

Isporuka robe će se vršiti sukcesivno tokom trajanja Okvirnog sporazuma u skladu sa potrebama ugovornog organa u količinama koje će se odrediti prilikom svake isporuke.

Rok za isporuku robe je 24 (dvadesetčetiri) sata po dobijanju narudžbenice od strane Prodavca.

MJESTO ISPORUKE

Član 6.

Robe koje su predmet nabavke će se isporučivati u prostorijama Ugovornog organa.

CIJENA

Član 7.

Ukupna vrijednost Okvirnog sporazuma je 19.995,59 KM bez uračunatog PDV-a, odnosno 23.394,84 KM sa uračunatim PDV-om (slovima: dvadesettrihiljadetrinostinedevadesetčetiri i 84/100 KM).

Jedinične cijene iskazane u Obrascu za cijenu ponude su nepromjenjive za vrijeme trajanja Okvirnog sporazuma.

Količine iskazane u Obrascu za cijenu ponude su okvirne i neobavezujuće za ugovorni organ.

Svi ostali uslovi zaključenog Okvirnog sporazuma su nepromjenjivi tokom njegove primjene.

ROK PLAĆANJA

Član 8.

Kupac je dužan obaveze po računima platiti Prodavcu uplatom na njegov žiro račun, u roku od 30 (trideset) dana od dana ispostavljanja računa za uredno isporučenu robu.

POVREDE UGOVORNIH OBAVEZA

Član 9.

U slučaju prekoračenja roka isporuke iz člana 5. ovog Okvirnog sporazuma Kupac ima pravo raskinuti pojedinačni ugovor odnosno narudžbenicu, uz naplatu kazne radi pretrpljene štete zbog kašnjenja isporuke i kršenja ugovornih obaveza od strane Prodavca.

Ugovorna kazna u visini od 1% vrijednosti pojedinačnih ugovora, odnosno narudžbenice, naplatit će se u slučajevima:

- Isporuke neugovorene računarske i mrežne opreme,
- Neotklanjanja nedostatka odmah nakon zaprimanja obavijesti i
- Povrede drugih obaveza preuzetih pojedinačnim ugovorom, odnosno narudžbenicom.

GARANCIJA ZA UREDNO IZVRŠENJE OKVIRNOG SPORAZUMA

Član 10.

Prodavac je dužan da u roku od 10 (deset) dana od dana zaključenja Okvirnog sporazuma dostavi bezuslovnu bankarsku garanciju za dobro izvršenje posla u iznosu od 10% vrijednosti Okvirnog sporazuma sa uračunatim PDV-om.

U slučaju da Prodavac ne dostavi Garanciju za uredno izvršenje Okvirnog sporazuma u skladu sa odredbama iz tenderske dokumentacije, zaključeni Okvirni sporazum se smatra apsolutno ništavim.

OSTALE ODREDBE

Član 11.

U slučaju eventualnog spora proisteklog iz ovog Okvirnog sporazuma, strane će isti nastojati riješiti dogovorom, a u protivnom putem nadležnog suda u Sarajevu.

U slučaju da se jedna sporazumna strana ne pridržava odredbi Okvirnog sporazuma, druga strana ima pravo na jednostrani raskid Okvirnog sporazuma u roku od 30 (trideset) dana.

Raskid Okvirnog sporazuma vrši se u pisanoj formi.

Ovaj Okvirni sporazum stupa na snagu danom potpisivanja obje sporazumne strane.

Član 12.

Ovaj Okvirni sporazum sastavljen je u 4 (četiri) istovjetna primjerka, od kojih 2 (dva) primjerka zadržava Prodavac, a 2 (dva) primjerka Kupac.

PRIPREMILA:
Amira Petrović, BA općeg prava *AP*
Referent za pravne poslove

KONTROLISALA:
Sadeta Hrustemović, dipl. iur. *SH*
Kordinatorator za javne nabavke

Prodavac
„IMTEC“ d.o.o. Sarajevo
DIREKTOR

Jakub Čehić

Jakub Čehić



Kupac
Javna ustanova Opća bolnica
„Prim. dr. Abdulah Nakaš“
DIREKTOR
Zlatko Kravić

Prim. dr. Zlatko Kravić

Broj 1656/18
Sarajevo, 02.04.2018. godine

Broj: 820-15/18
Sarajevo, 26.03.2018. godine